




Mooi verse
uit
Korinthiërs





1 Korinthiërs 1

22. Die Jode vra 'n teken
en die Grieke soek wysheid,
23. maar ons verkondig Christus
wat gekruisig is,
'n struikelblok vir die Jode
en dwaasheid vir die Grieke,
24. maar vir die wat geroep is,
Jode sowel as Grieke:
Christus, die krag van God
en die wysheid van God.



1 Korinthiërs 6

20. Julle is duur gekoop.




Verheerlik God dan in julle liggaam.

1 Korinthiërs 11

23. Ek het van die Here ontvang wat ek ook aan julle oorgelewer het, dat die Here Jesus in die nag waarin Hy verraai is, brood geneem het;

24. en nadat Hy gedank het, het Hy dit gebreek en gesê:




“Neem, eet; dit is my liggaam wat vir julle gebreek word; doen dit tot my gedagtenis.”

25. Net so ook die beker ná die ete, met die woorde:




“Hierdie beker is die nuwe testament in my bloed; doen dit, so dikwels as julle daaruit drink, tot my gedagtenis.”

26. Want so dikwels as julle hierdie brood eet en hierdie beker drink, verkondig julle die dood van die Here totdat Hy kom.



1 Korinthiërs 12

12. Net soos die liggaam een is
en baie lede het, en al die lede
van die een liggaam,
al is hulle baie, een liggaam is,
so ook Christus.




13. Want ons is almal ook deur een Gees
gedoop tot een liggaam,
of ons Jode of Grieke is,
slawe of vrymanne;
en ons is almal van een Gees deurdronge.

14. Want die liggaam is nie een lid nie, maar baie.

15. As die voet sou sê:

Omdat ek nie die hand is nie,



behoort ek nie aan

die liggaam nie —



behoort hy daarom nie aan die liggaam nie?

16. En as die oor sou sê:



Omdat ek nie die oog is nie,

behoort ek nie aan die liggaam nie —

behoort hy daarom nie aan die liggaam nie?

17. As die hele liggaam oog was,



waar sou die gehoor wees?

As dit geheel en al gehoor was,


waar sou die reuk wees?

18. Maar nou het God elkeen van die lede in die
liggaam gestel soos Hy gewil het.

21. En die oog kan nie vir die hand sê:

Ek het jou nie nodig nie;

of ook die hoof vir die voete:




Ek het julle nie nodig nie.

26. En as een lid ly, ly al die lede saam; en as een
lid geëer word, is al die lede saam bly.


27. Maar julle is die liggaam van Christus
en lede afsonderlik.

28. En in die kerk is daar mense aan wie
God 'n bepaalde taak gegee het.




1 Korinthiërs 13


1. Al sou ek die tale van mense en engele spreek,
en ek het nie die liefde nie,
dan het ek 'n klinkende metaal
of 'n luidende simbaal geword.



2. En al besit ek al die kennis,
en al sou ek al die geloof hê,
sodat ek berge kon versit,
en ek het nie die liefde nie,
dan sou ek niks wees nie.



3. En al sou ek al my goed uitdeel,
en al sou ek my liggaam oorgee om verbrand te
word, en ek het nie die liefde nie,
dan sou dit my niks baat nie.



4. Die liefde is lankmoedig en vriendelik;

die liefde is nie jaloers nie;

die liefde praat nie groot nie,

is nie opgeblase nie,

5. handel nie onwelvoeglik nie,

soek nie sy eie belang nie,

word nie verbitterd nie,

reken die kwaad nie toe nie,

6. is nie bly oor die ongeregtigheid nie,

maar is bly saam met die waarheid.

7. Die liefde bedek alles,

glo alles, hoop alles,


verdra alles.

8. Die liefde vergaan nimmermeer;

maar profesieë - hulle sal tot niet gaan;


of tale - hulle sal ophou;

of kennis - dit sal tot niet gaan.



9. Want ons ken ten dele en ons profeteer ten dele.
10. Maar as die volmaakte gekom het,
dan sal wat ten dele is, tot niet gaan.

11. Toe ek 'n kind was, het ek gepraat soos 'n kind,
gedink soos 'n kind,
geredeneer soos 'n kind;
maar nou dat ek 'n man is,
het ek die dinge van 'n kind afgelê.



12. Want nou sien ons deur 'n dowwe spieël,
maar eendag van aangesig tot aangesig.


Nou ken ek ten dele,
maar eendag sal ek ten volle ken,
net soos ek ten volle geken is.




13. En nou bly geloof, hoop, liefde - hierdie drie;
maar die grootste hiervan is die liefde.

1 Korinthiërs 15


3. Ek het aan julle oorgelewer
wat ek ook ontvang het,
dat Christus vir ons sondes
gesterf het volgens die Skrifte;



4. en dat Hy begrawe is,
en dat Hy op die derde dag
opgewek is volgens die Skrifte;



5. en dat Hy aan Petrus verskyn het;
daarna aan die twaalf.



6. Daarna het Hy verskyn aan oor die vyf honderd
broeders tegelyk.

7. Daarna het Hy verskyn aan Jakobus;

daarna aan al die apostels;

8. en laaste van almal het Hy verskyn ook aan my

as die ontydig geborene.


9. Want ek is die geringste van die apostels,

wat nie werd is om

'n apostel genoem te word nie,

omdat ek die gemeente

van God vervolg het.



21. Aangesien die dood deur 'n mens is,

is die opstanding van die dode

ook deur 'n mens.

22. Want soos hulle almal

in Adam sterwe,

so sal hulle ook almal

in Christus lewend gemaak word.



42. Daar word gesaai in verganklikheid,
daar word opgewek in onverganklikheid.

43. Daar word gesaai in oneer,
daar word opgewek in heerlikheid;
daar word gesaai in swakheid,
daar word opgewek in krag.

44. 'n Natuurlike liggaam word gesaai,
'n geestelike liggaam word opgewek.

52. Die trompet
sal weerklink,
en die dode sal
onverganklik
opgewek word;
en ons sal
verander word.



53. Want hierdie verganklike moet met onverganklikheid beklee word, en hierdie sterflike moet met onsterflikheid beklee word.

54. En wanneer hierdie verganklike met onverganklikheid beklee is en hierdie sterflike met onsterflikheid beklee is, dan sal vervul word die woord wat geskrywe is:

Die dood is verslind
in die oorwinning.



57. Maar God sy dank, wat ons die oorwinning gee deur onse Here Jesus Christus.

58. Daarom, my geliefde broeders,
wees standvastig, onbeweeglik,
altyd oorvloedig in die werk
van die Here,
omdat julle weet dat
julle arbeid in die Here
nie tevergeefs is nie.

1 Korinthiërs 16


13. Wees waaksaam,
staan vas in die geloof,
wees manmoedig, wees sterk!

14. Laat alles by julle
in liefde geskied.

2 Korinthiërs 1

3. Geseënd is die God en Vader
van onse Here Jesus Christus,
die Vader van ontferminge en die God
van alle vertroosting,

4. wat ons troos in al ons verdrukking,
sodat ons die wat in allerhande verdrukking is,
kan troos deur die vertroosting waarmee
ons self deur God getroos word.




2 Korinthiërs 3

17. Die Here is die Gees,
en waar die Gees van die Here is,
daar is vryheid.

2 Korinthiërs 4

6. Want God wat gesê het dat daar uit duisternis lig moet skyn — dit is Hy wat in ons harte geskyn het om die verligting te bring van die kennis van die heerlijkheid van God in die aangesig van Jesus Christus.




7. Maar ons het hierdie skat in kleipotte, sodat die voortreflikheid van die krag van God mag wees, en nie uit ons nie.



8. In alles word ons verdruk,
maar ons is nie terneergedruk nie;
ons is verleë, maar nie radeloos nie;
9. ons word vervolg, maar nie deur God verlate nie;
neergewerp, maar nie vernietig nie.

10. Gedurig dra ons die doding
van die Here Jesus
in die liggaam om,
sodat ook die lewe van Christus
in ons liggaam openbaar kan word.




16. Daarom gee ons nie moed op nie,
maar al vergaan ons uiterlike
mens ook, nogtans word
die innerlike mens dag ná dag vernuwe.



18. Ons let nie op die sigbare dinge nie, maar op die
onsigbare; want die sigbare dinge is tydelik,
maar die onsigbare ewig.

2 Korinthiërs 5

1. Want ons weet dat as
ons aardse tentwoning
afgebreek word, ons
'n gebou het van God,
'n huis nie met
hande gemaak nie,
ewig, in die hemele.



4. Want ons wat nog
in die tent is,



sug en voel beswaard,
omdat ons liewer nie ontklee nie,
maar oorklee wil word, sodat die sterflike
deur die lewe verslind kan word.

5. Maar Hy wat ons juis hiervoor toeberei het,
is God, wat ons ook die Gees as waarborg
gegee het.

6. Daarom het ons altyd goeie moed
en weet dat solank as ons in die liggaam bly,
ons nog nie by die Here woon nie.

7. Want ons wandel deur geloof
en nie deur sien nie.

8. Maar ons is vol moed en sou liever
ons verblyf in die liggaam wil verlaat
en by die Here gaan woon.

9. Maar, of ons hier woon of daar woon,
ons het net een wens,
en dit is om te lewe
soos Hy dit wil.

10. Want ons moet almal voor die regterstoel
van Christus verskyn, sodat elkeen kan ontvang
wat hy tydens sy aardse lewe gedoen het,
of dit goed is of kwaad.

14. Die liefde van Christus dring ons,

15. omdat ons van oordeel is,

dat as een vir almal gesterf het,

hulle dan almal gesterf het;


en Hy het vir almal gesterwe,

sodat die wat lewe,

nie meer vir hulself moet lewe nie,

maar vir Hom wat vir hulle gesterf het

en opgewek is.



17. Daarom, as iemand in Christus is,

is hy 'n nuwe skepsel;

die ou dinge het verbygegaan,

kyk, dit het alles nuut geword.

18. En dit alles is uit God wat ons met Homself versoen het deur Jesus Christus en ons die bediening van die versoening gegee het,

19. naamlik dat God in Christus



die wêreld met Homself versoen het deur hulle hul misdade nie toe te reken nie en die woord van die versoening aan ons toe te vertrou.

20. Ons bid julle om Christus wil:

Laat julle met God versoen.

21. Want Hy het Hom wat

geen sonde geken het nie,
sonde vir ons gemaak,
sodat ons kan word
geregtigheid van God
in Hom.

